

書名 皇明文衡一百卷 正德五年  
 序刊本  
 撰者 明 程敏政 輯, 明 范震、李  
 文會 校  
 卷 卷二十  
 內容分類 集 總集 各代 明  
 索書號 大木 集部 總集類 30  
 編號 D7861500

# 卷二十



皇明文衡卷之一

[彩色首頁1](#)

[東洋文化研究所漢籍目錄 編號: D7861500](#)

[東洋文化研究所漢籍目錄所藏漢籍善本文影像資料庫 索書號: 大木 集部 總集類 30](#)

[漢籍善本文影像資料庫文本 皇明文衡一百卷 正德五年序刊本](#)

[版權所有: 東京大學 東洋文化研究所](#)

[使用上的注意事項](#)

代古檄

中原檄



翰林院學士新安程敏政選編  
 鄉進士國子監助教永康范震校正  
 賜進士應天府儒學教授郊鄧李文會重校


宋濂



自古帝臨御天下中國居內以制夷狄夷狄居外以奉中國  
 夷狄治天下也自宋祚傾移元以北狄入主中國  
 固不臣服此豈人力實乃天授然達人志士尚有  
 一嘆自是以後元之臣子不遵祖訓廢壞綱常有  
 如大德廢長立幼泰定以臣弑君天曆以弟醜兄至於弟技



0 1 2 3 4 5 6 7 8 9 10







文衡卷之二十

節婦黃氏旌門頌并序

蘇伯衡

蘇吳縣之閭門里有旌門焉朝廷所以寵褒姚節婦者也節婦姓黃氏名妙清歸姚氏爲諱榮之妻生男女各一人而榮以病卒榮卒時節婦年二十有九子文聰纔二歲貧甚力紡績以俯育或勸其更嫁節婦曰夫死不嫁婦人之常况有子可從何爲而更嫁此屍一移我則匪人不聽後十二年張士誠入據姑蘇亂兵掠文聰以去數從人問消息比二年不聞問或曰異日者有子可無更嫁也令子俘矣無論死藉令生歸亦不可望不嫁將焉恃乎節婦曰我豈以子存子亡爲去留者哉終不聽又四年文聰始脫

身來歸節婦驚喜且泣曰姚氏有後矣我死亦無憾後八  
年里耆列其狀上于縣若府監察御史為登實以聞

制下旌其門為節婦之門則洪武七年春三月也今節婦  
居且三十四年季已六十有三文聰思無以侈

上賜而昭示罔極聞伯衡嘗造屬太史氏介未恪即金華山  
中求書其事勒諸樂石伯衡惟唐虞三代之世其教既明  
其化既成其民俗之美至於比屋可封當是之時旌其門  
閭表厥宅里猶不敢緩然則所謂樹之風聲使民益勸於  
善雖唐虞三代之聖人猶不能不以之為務也况當世降  
俗澆之後有天下者不善其善以為勸奚可哉

皇帝受天景命君臨萬邦凡有係於風化者輒加表異蓋以  
此也而姚榮妻黃以貞節著聞蒙被龍褒如此類猶唐虞

三代之民加唐虞三代之令典矣遠近聞之其誰不感莫  
而興起此所謂賞一而勸百者也不其休哉不其休哉夫  
推明

聖意而播諸聲詩者史氏之職也因不辭而為之頌頌曰

天眷 聖神民君民師匪曰治民亦欲迪之

聖神奉天式和民則陰握化權作新萬國褒嘉節義錫以旌  
書風行而表孰不聿趨非有館鑿自率規矩四維既張五倫  
攸叙吳縣有婦姚妻氏黃年二十九良人遽亡儲無儋石室  
若懸罄母子兢兢相依為命霜風淒其落月照帷間關機杼  
影與形隨人或憐之勸之他適胡乃茹荼有薺如蜜慷慨自  
誓辭與涕俱可以人焉而太彘如我不即死我志靡他我下  
從夫我子何如子未成童據於亂兵倚閭望寒暑再更僉

曰已矣安知非死無子焉恃不嫁奚俟婦曰嗚哉何言之卑  
我志可易太山可隳我志不易仰天一勲血淚爾集時旣寧  
謚子亦生還雖無其肯志養攸全郡守御史交謂宜褒乃具  
封章乃請于

朝乃被綸音旌其閭里苦節之報庶其存是昔視其門門則  
以席今過其門門有綽楔楔檉檉魏魏龍光有耀匪爾之私俾  
世視傲嗟臣事君猶婦從夫凡百在位曷鑒曷圖婦道不虧  
尚稱 聖意臣節殫竭有不寵異刻辭堅珉以昭鴻恩以揚  
清芬以詔後昆

平雲南頌

王景

聖天子之御大歷服也維清緝熙載敷以懷遠  
偃函宇於是偃武脩文與民休息垂十餘年

皇帝若曰元綱解紐土宇瓜分朕本當起淮甸鑿嶽番其  
以清捲甲長驅遂定中夏元君其跣秦晉吳蜀所向風靡  
不十年而成大業雖天命有歸皆師武臣之畧也維雲南  
一隅獨沮聲教卿謂何如余曰雲南壑山墉壑狼子野心  
聚螫挺獸况把匝刺瓦爾密爲元臣子罔知天命宜其無  
嚮化心若以天兵臨之彼惡能敵

帝曰俞哉乃命潁川侯臣傅某西平侯臣沐某永昌侯臣藍  
其將鷹揚虎校之士三十餘萬聲罪致討樓船蔽江旌旗  
亘天星流電邁分道並進大軍繇貴廣軼普定下牂柯深  
踐不毛奇軍繇羅佐關擊鳥撒攻可渡河大會于曲靖疾  
若風雨所向克捷元兵蜂屯蟻聚毋敢抗我師者先是下  
令曰若至曲靖便可輕騎長驅未至十里許大霧霧充

捷答理麻拒烏白江爲陣未成列我師泗水以濟徑前奮  
擊其陣遂亂達理麻陷于渾生擒之殺將士若干人元兵  
大奔遂分兵逆可渡河望風席捲梁王把匝刺瓦爾密棄  
城遁至晉寧率妻子死之雲南平自出師至是凡百餘日  
得府州若干戶若干馬牛軍實無筭三帥承制建官大軍  
鎮焉遂下大理拔金齒凡雲南故壤皆郡縣矣明年遣使  
降車里降緬降八百咸以壤質貢洪惟

天兵不浹十展拓地萬里西南諸夷悉臣妾何成功之速  
哉

天子文武神聖漢來望切而有三帥善長駕遠馭也上自漢  
元元羈縻而已乃今與內地等功高千古信乎王  
師之無外也又辨師振旅獻俘授職定功行賞封傳

其爲頌國公諸將以下進爵有差於平古之有盛德大到  
必形諸歌頌皇風興大雅作草茅微臣不敢多讓謹稽首  
頓首而爲頌曰

皇明御天統有萬方際天蟠穹武功煌煌三光耀靈海宇聿  
清叶氣嘉生蒸爲太平蠢茲蠻方稔藏奸兇恇恇穰穰以藝  
天常乾坤之量海嶽是包彼昏而狂誕敢叫呶

皇赫斯怒爰整元戎吉日載戒車攻馬圍於鏢

王師赫赫桓桓天討是將震懾百蠻兵無留行勢若雷霆日  
星晦霧江海沸騰鷹揚鷗靖倬彼統酋征麾所指載揚天休  
戰不貪殺殺不却降斥原䟽旆以迄周康大敦聿連筐玄籩  
黃拓禹之跡維周職方表方建官棋布星分仡仡大城以奠  
其民封豕脩蛇以變以化昔也契榆今爲騶虞載駟載伐戈



鉅不腥南金象齒固敢弗庭凡此南功三帥僉同維一乃心上毗帝聰大烈之龐超漢軼唐風雲霄慶天地開張會朝清明聖化基之萬國一統坐而釐之葦茅微臣作此頌焉武功告成

四夷咸賓詩有序

解縉

皇帝臨大寶之明年紀元永樂嘉與萬方共躋仁壽一德感孚休祥昭應民安物阜四夷畢來東若朝鮮日本暹羅東南若琉球中山南北有安南古城西南海東洋瓜哇鬼方緬國木邦孟定麓川威遠八百老撾里車西若烏思尼八刺西北畏吾匈奴哈迷遠北者數萬朝聞夕引奉貢儀物皆至京師其文辭稱述盛德對揚鴻休誠服心悅發見于外殊音重譯異服奇詭懼忻攸同嚮慕無已庶衆聚觀

天下忭喜咸相謂

聖神光被如日月之照臨天行雨施妙運莫測垂裳拱手於穆清而有生之類盛利見乎四方萬里之遠鼓舞輻輳而歸之來享來王而不能已吾民何幸而臻茲嘉會寶萬世一時也朝之群臣亦咸相謂虞舜有三苗之征周公有戎狄之膺宣王逐玁狁而秦漢及隋疲弊中國力夫之爭無時或寧唐宋否極上天厭罪命我

太祖聖神文武欽明啓運俊德成功統天大孝高皇帝起而定之不令而從不言而化八表圖風四十餘年

皇帝以聖繼聖比隆唐虞殊方歸命者接迹而至宜有詩歌垂之頌聲軼遠古而過之又咸謂臣縉宜為義不可辭則合群臣百姓之言從容奏寫

皇帝曰咨周家九夷通道大保進旅獒之訓虞廷干羽既舞  
伯益有儆戒之箴故愚者常以小康肆志賢者不以外物  
動心朕方兢業於初服是何足云頌聲其為作君臣相飭  
之歌以繼虞周之治臣縉竊謂自古頌美而寓規諫皆臣  
子摠誠委曲之小心臣愚不及此乃自

皇上發之是誠萬世一時也謹拜手稽首而獻詩曰

皇帝明德與天同運華夏奠安四夷効順限山阻海風氣不  
通不招不約奔走來同梯陟跋阪航涉濤龍洹寒溽暑赤雪  
玄霜殊形奇醜異服紛麗鬢髮焦赤睽眴深黃猩唇猥喙黎  
面文身袒跣椎結皮裳卉巾離披落索搖曳縈纏鞮鞻殊音  
侏離禽言呶嗚重譯舍館授粲窮物式陳兼金玉瓚齒革羽  
毛服食器用

皇帝儉勤異物非重厚徃漢以來懷柔無外八表同仁膺茲嘉  
會以心感人人心自歸其來無喜矧徃或追陋彼漢唐好大  
喜功本之不競而末是從苟得其人不為富強苟得其地不  
足廣疆耳目細玩惟彼所產耽玩惑心悔之已晚

皇帝明德謹之於細慎始惟終圖難於易照乘之珠衆庶所  
嘉詎若得賢昭乎萬里四夷畢來衆庶榮之曷若中夏一民  
無饑明良責難安不忘危小臣作戒賢聖是師

御書嘉禾詩頌有序

洪武二十有八年秋九月壬辰朔庚戌北平永清衛之龍  
門禾有異莖同穗之祥其三榦合為一仍三穗者二二榦  
合為一仍二穗者六是歲大熟今

上皇帝遣使來進群臣上表賀

太祖聖神文武欽明啓運俊德成功統天大孝高皇帝親御  
翰墨爲詩一章以賜今

上皇帝其詩首言創業之艱天命之不易除暴禁亂之師撫  
民致治之略中言天錫豐登之屢史書垂示之嚴明堂禋  
薦之重末示謙冲戒謹之意爲善不足之誠大矜下民之  
惠與民同樂之盛心溢於言表蓋不以嘉禾之祥爲可矜  
而以爲可懼而思以自勉

聖不自聖兢兢業業足以垂訓於千萬年今

上皇帝服膺聖訓念手澤之存諷誦追惟不能自已乃永樂  
三年九月朔旦用摹勒于石拓本裝治成軸分賜諸王及  
近臣於是臣縉亦得與賜焉又適有嘉禾之瑞臣縉仰惟  
日月之光華昭著于天地其溢而上者爲慶雲爲景星爲

霞五色其下者爲璿珠爲美玉爲卞砂使人歎慕而寶  
者皆日月之餘光也古先聖帝明王有日月光華之德其  
禮樂文章流風遺韻之傳若詩書所刻百世之下光景常  
新猶足以使人歎慕與景星慶雲諸福之物同一快覩而  
况身被其澤目覩其盛鼓舞涵濡其有不發而爲華封之  
祝康衢之謠以自鳴其慶幸之萬一乎實人情之所不能  
自已也拜手稽首而獻頌曰

洪武乙亥秋穀登朔方龍門嘉禾生三穗二穗交兩騰異本  
同類同敷榮蒞珠金粟隔露疑親藩錫貢來神京玉匣上有  
黃雲蒸衣衣當日御彤廷百辟忻嘉陳休徵四野懽呼傳頌  
聲

帝曰俞哉稽之經旅命歸禾凜不矜作詩致戒左丁寧昌言

受命畏天明降福穰穰恐弗勝庸錫親藩鍾聖情亦知  
玄德由茲弘十年事驗天威靈聖孝通天推至誠永樂  
重華信有禎賜詩日閱心屏營手澤猶存訓服膺每御翰  
墨懷墻羹想當睿思玉几憑智周八極通杳冥重念稼穡  
憂農耕暑寒怨咨憐獨乳抵願年登百穀成群臣環列忭且  
驚百神降監來軒盈雲霞的樂飛陶泓鴻章

聖藻驅風霆造化萬彙皆流形工巧人爲何足稱奎章爛爛  
不可名但見東壁餘光精刻以端溪紫玉英摹本裝以龍鸞  
紋頒錫群臣荷

寵榮天球大訓河圖并人文云土寶奠八紘夜夜虹光燭太清  
聖子神孫萬億齡萬世黎民仰太平

視學詩有序

胡廣

皇帝即位之初載夙夜延訪群臣博詢治道從容燕暇召曰

三儒臣于前而論之曰使天下人人崇尚儒術其道何由

咸頓首惶懼不敢言明日又問訖無敢以對

上曰必使天下人人崇尚儒術其機在上於是咸稽首曰誠  
如

陛下所言至是求賢之詔屢下凡巖穴幽潛之士占一技能  
者即禮聘至

闕下親承顧問命之以職而優待之故四海之內罔有遺才

焉明年策多士于廷簡其尤者二十八人俾究極群書期

其至于古人一切政事不以干之恒祿之外復有他賜鼓

舞作興之道至矣天下之士聞風而歆慕者皆奮躍於下

有菁莪棫樸之盛乃永樂四年二月朔勅群臣曰孔子萬

世帝王之師其道之在天下載於六經天下不可一日無  
生民生民不可一日無孔子之道朕將臨國學躬禮孔子  
以稱尊崇之典所司其差吉日行之於是有司差以三月  
朔日辛卯是日昧爽

上備法駕謁廟行舍菜禮先是命禮官考謁廟儀禮官奏宋  
服靴袍行再拜

上曰見先師禮寧過厚至是  
上服皮弁行四拜禮禮畢

駕幸太學授經筵酒臣儼司業臣智賜之坐講文武三品  
以上及翰林儒臣皆賜坐聽講講畢賜茗飲降

王音難問勉飭衣冠之士及四夷之人園太學而觀者以  
億萬計視東京永平無足言矣明日臣儼智率六堂儒

生上表謝錫賚有差大宴羣臣于

奉天門莫不懽忻踴躍以為自古帝王崇尚儒術未有若  
此之盛臣仰見

太祖高皇帝告成武功大興文教臨幸太學親講經書與諸  
儒難疑答問終日弗倦今伏遇

皇上尊信儒術躬率舊典有光前烈揆諸古昔誠無與比故  
盛治之風薄極海宇凡四方僻遠非一譯所能通者遣一

介之士持咫尺之書以諭之莫不奔走順服頓顙闕庭夫  
豈威力所能強是皆文教躬行之効也臣維孔子之道與

天地相為終始其在於人心者昭晰不泯當  
聖人在上天下文明則其道大行

皇上全聖智之德居至尊之位恢弘治教表章孔子之道如

日麗天中四海之民皆仰見之俾知所向  
皇上作興人心推明世教誠有以度越千古非近代帝王所  
能及也臣廣猥以菲才幸依日月之光獲覩文明之盛職  
在紀載不敢以默謹述爲古詩一章以獻以播盛美於無  
窮焉詩曰

維古聖神繼天立極爰修教化以彰明德曰堯舜禹所傳一  
心無間顯微爰有古今學校之政教化先務三綱以正九疇  
攸叙周綱解紐正路日堙不有至聖孰宣人文大哉孔子道  
高德厚出類拔萃生民未有祖述憲章乃欲無言賢於堯舜  
事功則然教化無窮如天垂象六經昭晰萬世尊仰至治之  
要一本於茲生民永賴帝王寔師於

皇太祖受天明命道侔天地卓冠前聖武功爰定文教首崇  
表彰絕學大闢休風載新庠序甄陶士類親臨璧雍以嚴祀  
事躬御講筵觀者如雲衣冠萬國集于橋門猗歟盛哉亘古  
莫比爲憲萬世式承無已

皇帝續承舊章是遵緝熙聖學弗懈益勤季春初嘗躬視廟  
學舍奠先師秉虔有恪衣服大圭星弁煌煌穆穆清廟濟濟  
裸將載臨講席列侍群儒紬繹問難六經群書聖道顯明  
皇心以喜章甫逢掖踰舞士子園瞻萬億華夏繼嗣左社雕  
題亦皆夷懌治有先後教有本源仁義之訓彌久彌敦於昭  
聖皇適駿有赫洪化維神無思不服

平安南詩

楊士奇

臣聞天以風雨霜露育成萬物聖人以禮樂征伐綏輯天  
下一出於至仁周之文武皆一怒以安其民故雖聖人不

志用兵亦不去兵以爲治洪惟我

國家肇興

太祖聖神文武欽明啓運俊德成功統天大孝高皇帝深仁大義順天應人平靖四方以教以育罔有孽害時謂泰和至于

皇上益廣仁義禮樂之化海內奠安四夷嚮慕小大遐邇熙然同春惟是安南其王孱微其賊臣黎季犛暨其子蒼沿襲悖克屢弑國王淫刑暴斂毒虐下人滋久滋甚

皇上閱焉弗寧發詔使諭使遷悔賊罔忌畏敢侵掠厥鄰占城又寇我思明祿州寧遠之地在廷之臣咸請發兵討罪上曰彼匪人斯不可終化發詔使申諭焉賊聞其主有遺胤子奔來京師即

上表謝過請還之

上曰彼其庶幾有悔乎遣使立自衛送出境賊伏衆邀留使者執殺其主遺胤子事聞

皇上震怒召文武羣臣論曰予承天命保康兆億民一民弗獲惟予弗恭人有弗迪而遽誅斯過抑厥自新乃有弗迪至于再三而釋弗誅惟予弗君今盜茲弗迪予必不釋將往大正匪予志用武惟盜茲稔惡羣臣合辭力贊必決乃告祀天地宗廟及天下山川命征夷將軍左右副將軍左右叅將暨神機橫海驃騎游擊鷹揚五將軍率師討賊師發金川門

上臨江送之諭之曰汝其代予往行天討惟盜暨厥子必誅弗釋暨同惡必誅弗釋凡厥脅從咸釋弗誅惟茲安南咸

朕所統厥民滋困于盜罔攸訴爾汝其代予徃弔毋有侵  
害或有侵害卽旣殄戮盜猶底汝罰旣殄戮盜其咨求其  
王遺嗣子俾統治厥民徃哉維懋師入安南熱賊脅驅其  
民彌滿百萬拒于境上民聞王師來爲已除害皆倒戈逐  
降師渡富良江入其東都城又入其西都城如蹈無人之  
地賊窮迫盡棄其衆獨與其孥數人並海道去王師追之  
悉生繫之不遺一人乃縱所脅從咨民所苦罷其苛禁敷  
求安南王遺嗣民旣罔有侵害又蒙哀矜弔恤悉解去所  
苦咸竊喜曰我幸復見今日幸

聖天子不遐棄我萬里外而復生我欣然如脫虎口歸慈父  
毋相率跽軍門言曰惟故安南王遺嗣悉殲于寇暴無遺  
惟茲土故隸中國誠願復列中國氓密比

聖化俾我暨我子我孫咸免於夷狄禽獸軍中獻所獲俘且  
具言民所欲

皇上重違民意下詔郡縣其地選置守吏復置交趾布政司  
總之在廷文武羣臣上表稱賀臣惟安南本漢南越地武  
帝置交趾郡暨五季丁氏竊據之始僭稱王宋弗能制因  
授之卒循爲常更歷數姓蟠結深固屢叛弗服宋元數舉  
兵誅訖無成功

皇明奄有四海率先欵服曾不踰世終梗寇盜天地之德務  
隆包荒累誨弗悛肆急援溺仁義之旅弔伐並行恩威所  
臨有迎無拒累月之頃肅清兇慙大拯塗炭弘復疆土功  
德俊茂振古無倫焉惟古帝王施德建功皆有頌歌傳播  
後世臣忝列從臣後輒擬古作者之意撰平寮南詩一首



以示後來謹拜手稽首上進詩曰

維天生民咸俾遂適有攸弗及肆命有德惟德格天爲君爲師以教以治俾適咸宜天啓

皇明悉昇所覆明明

太祖生育教誘衣之食之邇安遠歸禮昭義布長幼尊卑

皇帝繼統四方萬國益富而教和豫安適葛爾蠻交醜孽其間爲狼爲豺小大畢殘

皇曰彼醜匪異人類庶或改率予其化誨誨言諄諄弗遠益驕我暴厥鄰盜我邊郊百辟文武頹伏陛言弗時翦屠將俾

蔓延皇曰申誨循或改率弗改弗率跳梁推猶僞恭顛命

賊我使人暨彼遺孽磔身百分

皇曰彼醜獸心靡易蝨蟻弗除過遺嘉稷惟

皇上帝付予八埏有溺弗援予滋違天誕命將臣暨旅師從

往勵汝勇往宣汝謨咸弔困窮殲惟醜虜職敷予仁匪曰究

武六師邁邁辭直氣厲涉危蹈深若履平地嘽嘽烈烈赫赫

業業如飄烈烈如霆截截蠢彼醜虜脅驅爲拒仁威天降孰

有強禦雞翎夜闢富良爲帶授兵委戈奔降透拜乃入交城

乃走兇渠繫之海隅如探取鷄乃咨脅從悉解而縱乃視交

人弔其疾痛交人悻悻爰始色溫舒其兢兢爰始笑言交人

有言我困荼毒天子生我旋厲爲福交人有言我初匪夷

逃遠淪汗陷茲塗泥天子聖仁曷返我初內我庇我永康

不虞倖獻于廷天子受之民有願欲

天子予之四夷有聞懼喜告語天子聖仁我有父母教民

之疾不以遐僻有梗弗率必誅不釋

天子聖仁孔武且神孰其爲梗鑿彼交人芒芒四裔威服德  
拊巍巍中夏尊安鞏固海航陸車來享來庭千萬億年拱我  
皇明

平胡詩

洪惟上天眷佑我國家

皇帝陛下以至仁大聖繼承

太祖高皇帝鴻業爲億兆生民主綏靖涵育四方萬國林林  
總總之生皆鼓舞忻戴趨走承奉惟恐不及至於朔漠疆  
表披髮之衆各率其屬歸誠慕義拜俯

闕下蒙荷官賞者不可勝計惟本雅失里弗率倔強化外

皇上推天地之大德謂率土皆朕民其可使一芥獨失其性  
屢發詔使撫徠之虜弗悛益甚要執我使臣侵擾我疆場

疆場之民惟其毒虐

皇上憫焉弗寧謂皇天既付予天下天下有一民一物失其  
所予曷敢坐視不卹且仁者不姑息玄菟患以厲民虜怙終  
不可赦予必躬往視師以永寧我宗社生民時

車駕巡北京詔 皇太子監國至是復詔 皇太子告

天地宗社及詔告天下以發兵所由遂命將閱師永樂庚  
寅二月丁未 車駕發北京既出塞踰五雲關道厭虜川  
龍旂所嚮上天助佑風日和融消剝寒沍坤靈協贊積滷  
之野咸出甘泉潔清芳冽隨地而有士馬所過無不飫足  
衆心懽懽咸懷敵愾五月己卯 車駕次玄溟河本雅失  
里率衆迎拒

皇上以數百騎獨先大破之諸將率麾下繼進奮驅逐北本

雅失里盡弃其族屬牛羊輜重以七騎遁去諸將咸請追戮之

皇上謂帝王除暴祛之而已不窮殺以為武時將士執虜衆來獻者萬計詔悉去其繫虜衆有釋兵以其屬來附者又萬計

皇上進而諭之曰若等悉吾民困于兇孽懷苦憤鬱不獲自歸久矣今朕不遠萬里來為爾除害勿有疑畏悉給予所獲孳畜俾自擇便地以居皆懽喜膜拜舉手加額呼萬歲虜衆遂平獨支寇阿魯台初聞天兵且壓境率衆先遁上曰此虜竄匿不能遠當還師撲之如拮芥耳及班師六月甲辰至靜虜鎮寇衆來奔者且言其狀徑搗之寇迫急請降

上曰虜欲緩我師耳必詐也麾將士上馬控弦以俟言未既虜悉衆薄我右翼諸將赴之未決

上麾虎賁三千奮進斬虜虜大震怖悉解甲去弓矢俯伏降阿魯台以數騎遁去遂誅其同惡盡釋其餘從而撫定之繇是瀚海迤北沙漠萬里悉平悉寧封山勒石紀述功德告示萬世七月壬午車駕至北京中外臣民懽忻舞蹈臣惟夷狄世為中國患莫甚北虜

皇上乘中興之運奉若天道恢弘治化奮揚神武廓清六合功德隆盛宜有詠歌宣播無極臣忝執筆從詞臣後謹撰平胡詩一首上進詩曰

皇明受命統御寰宇

皇帝仁聖承序

太祖以教以理洽于率普神化所需涵泳鼓舞逖彼朔土負  
恃遐阻弗馴弗悛執我使者橫縱雜薦跳梁醜覩其與處  
連我邊野人之鞠窮辭憂以瘋叫號旻天盍于我拯

皇帝仁聖憫焉與憊曰時天氓彼敢虐苦惟天命予予曷敢  
捨彼絕于天匪予志武乃命將臣整徒閱旅告誓啓行以類  
以祿六師導御萬乘從扈如雷如霆如颯迅驚萬里一瞬飛  
越岐嶠謨斷自天孔神且訐計遐測幽瞭如貯暗逃彼朔土  
夏不解渥芒芒積滴沃渴惟乳

皇帝格天昭會靈祐春暘流敷融麗煦煦甘泉洋洋徒乘厭  
飫競奮敵愾踴躍馳赴搗其穴玄冥之許博戈擊安闕若  
號虜急在蒲強抗螳斧殲之糜腐縱惟七馬有支孽潛  
伏于莽一鼓而爾迅於焚羽肆犁其數散其蕝聚

皇帝有詔厥衆咸赦解其繫縛緩其降附曰予寧汝汝固予  
懼汝飢錫汝馬牛肥犂蘇其創殘伸其噢咻如旱暵霖霈施  
甘雨權呼膜拜

皇帝聖主我昔罔知今我父母

皇帝神武德施弘溥惠彼朔野同我中土夷堠去防罷葦邊  
戍邊人肆寧如愈沉痼虜人始悔知寢斯寤往來孚好無有  
疑迕

帝曰康哉其遠予駕雍雍凱歌懽騰載路四方萬國奔賀拜  
俯

皇帝功德超冠千古相彼自古夏殷而下漢唐暨宋咸弊戎  
侮于備于禦不以晨暮財殫力劬卒固驅去帝御九五降  
治弘化肆揚神武挾剔民惡洗濯曠蕩俾民得所五兵偃戢

四海熙豫宣昭人文丕闡皇度億萬斯年永降  
宗社臣謹作詩以繼肆夏

清邊頌

郝緝

臣緝稽首頓首言臣伏惟

皇帝陛下以天錫勇智之資具聖神文武之德紹嗣

太祖高皇帝之統緒克勤克慎懷保小民外暨四夷咸加惠

撫

威德所至無遠不服東極朝鮮日本南踰交趾西抵番戎

大邦小國以至海外諸蠻夷君長悉皆臣附來朝貢獻不

絕而獨比邊殘胡遺孽未底寧順往者阿魯台梗化弗庭

數為寇害

皇上親御六師以討之阿魯台口是舟中不支由是款塞稱臣朝

貢于

闕下

皇上功德之盛已莫與並矣惟是瓦剌三酋昔受封爵于朝

為邊疆之臣而乃背恩棄信阻兵構逆與其黨類互相讎

殺且復寇掠我邊境殺傷我人民

皇止以為此叛命之臣不可以不討之也復選將命師親駕

往征之六月進至撒里怯兒之地遇虜兵與戰擊走之追

至土刺河虜酋大集其眾據險阻以拒我師我師勇銳齊

發左右奮擊大破之殺其酋長及其眾數千人追奔逐北

虜救死扶傷不暇乘夜遁走漠北為之遂清乃命諸將班

師而還至飲馬河和寧王阿魯台遣其酋長來朝

上撫以恩信慰而遣之六月振凱還

北京臣緝於是稽首頓首言曰自古聖德之君必以安攘

為首務蓋斯民既安而夷狄未除終為邊境之患在周之時徽猷作難宣王與師以伐之觀之六月之詩可見矣漢武帝之逐匈奴唐太宗之擒頡利皆以其患害滋甚不得不討之也五代及宋契丹女真迭盛復為中國患而達旦之元遂有中土以夷裔變華夏中國之民辮髮左衽為夷狄之俗者幾百年我

太祖皇帝受天明命起自布衣躬親師旅削平寇亂掃逐戎胡北出于沙漠既已一洗前代腥羶之習復還先王衣冠之治矣

皇上紹承大統繼守先業復剪剔其茅柝而剋盪之神謀睿筭預決勝於萬里之外以成千古所無之功使三邊永寧天下蒙福真所謂功高百王而紹隆古昔帝王之治也臣

緝不勝慶幸謹撰永樂清邊頌一篇拜手稽首以進其辭

聖王在御四夷咸附悉享悉一臣孰敢違忤天之所覆地之所承殊方絕域莫不來庭蠢茲醜也虜包有遺柝煦沐涵恩以長以息惟

皇之德懷附以仁錫之封爵俾長其人大漠之墟窮陰之野息養蕃滋以有羊馬乃逞其兇乃肆其奸驕欲是為因構兵端同類相讎遏我來附掠境盜邊以啟

皇怒

皇帝曰吁曷可不治宜飭六師往伐殛之乃修我戈乃整我旅乃奮我謀乃振我武旗纛旄鉞連屬後先撻金伐鼓震盪山川北出興和直指沙漠虎旅長驅聲震窮朔進抵其巢索

虜震驚百萬之乘如雷如霆如熊如羆莫不齊奮電掣飈馳  
川嶽變眩天戈所指孰有不摧旣殲其衆亦殞其魁邊彼大  
酋剪其遺孽投石糜穀振枯隕葉陰山瀚海所向無堅順附  
則全違迕則顛旣剗旣除旣獮群醜邊剔腥羶踈遠斥埃旋  
師飲馬撫納降胡綏之其來塞塗凱入居庸萬民呼抃  
饒吹高喧懽騰交旬邊塵絕息  
皇心攸寧飲至策勛賞賚兼行爾俟爾伯錫爵進秩爾將爾  
吏咸加優恤

皇曰汝士惟汝予功嗟汝勞瘁其休汝躬無功不酬無勞不  
錄凡在于行悉蒙優渥群方九有同仰

大明無小無大各遂生成乾端坤倪清爽軒豁異域殊邦悉  
從包括 聖功旣遠 聖德益昭霈澤旁施上齊軒堯選賢

任能置在左右同享太平以期永久三邊靜謐烽燧不傳於

皇  
聖世惟億萬年

騶虞詩有序

梁潛

臣聞自古聖帝明王至治之極必有禎祥若麒麟鳳凰醴  
泉甘露應時而產皆所以符聖徵彰至德者也乃永樂二  
年秋八月

皇帝冢第

周王畋于釣州厥有異獸白質黑章倪首虎軀其狀孔威  
不可迫視

王俾部曲俟之其性孔仁遂擾致之以詢之故老蓋古所  
謂騶虞者此其是已夫惟人君有至信之德則見於是九

月丁未

王率厥屬表獻

闕下

皇帝服皮弁服御

奉天殿以觀不震不動柔伏自然

皇帝若曰厥為嘉瑞予罔敢知維致自昆弟之邦予其嘉焉於是

太子太師淇國公臣丘福謹率百官上

千萬歲壽既而京師人士忻喜聚觀咸以為聞自古昔見始今茲臣潛伏觀盛典不敢自默退而考之騶虞詠於詩記於禮列於傳記或以為義獸或曰仁獸或曰聖獸至以為嘉祥者則其言皆同也傳曰國家將興必有禎祥洪惟

嘉祥者則其言皆同也傳曰國家將興必有禎祥洪惟

舊章親親而仁民恩沛而義洽萬方咸和以及乎庶類忝同

穎於郊蠶成繭於野文犀白象諸福之物抑之而愈臻却之而復至何其盛也豈非上天以是昭至德哉臣等忝職記注苟不形之歌詠以垂示無窮輒為不職謹百拜稽首而獻詩曰

於穆

聖皇綏懷兆民端本自家篤於周親恩沛義洽如煦春陽至和冲融發為禎祥禎祥伊何厥惟騶虞產于王國惟

皇德符 王馴致之獻于

帝庭素質玄章雲舒霧凝

帝乃觀焉載戢其爪爰言究之踐匪生妯吁嗟騶虞外何其



威內何其仁匪苞而鳳匪角而麟吁嗟騶虞曷為來哉  
玉拜稽首

皇則召之

皇之仁民淪膚洽肌弘暢旁達物以不疵

皇之孝友本乎至性萬邦咸懷物以類應

皇帝曰俞惟王信恭王乃麟趾奚必騶虞

皇帝曰吁凡百在位惟德召和匪物其瑞庶臣拜手

皇帝萬壽慶祥畢臻德音是懋

瑞應甘露詩

王直

臣聞聖人之德配天地則天地之心欣合無間故必凝英

萃和以昭其盛若黃帝之甘露虞舜之御雲是也恭惟

皇帝陛下以至誠之德統承

太祖高皇帝基緒繼述之孝不忘乎公遵用舊章掌改作

德化所及罔不愛戴故自天地之所覆載日月之所照臨

無有遠邇熙然泰和動植之物亦各生遂而

太祖高皇帝之盛德大業愈益元明是以天發其祥地闡其

璫景星慶雲醴泉甘露嘉禾瑞麥麒麟騶虞諸福之物駢

臻沓至此臣等之所親見天下之所共知也而聖心惓惓

益勤不懈乃永樂十七年十一月 日甘露復降于孝陵

凡四日松柏之上疑為玉脂融為瓊液聚若垂珠聯若編

貝臣民聚觀鼓舞惟抃咸以為甘露之降不于其他而于

孝陵者蓋 聖孝所致也於是

皇太子命採取馳獻于北京

皇上祇薦 宗廟傾賜百官芳香之氣旁達左右甘美之味

莫可擬倫誠天地之精英 聖明之上瑞所以彰  
皇上之大德為 天地之所悅鑒 景命之隆長太平之悠  
久歷千萬世而益盛也昔虞舜有卿雲之祥百工相和而  
歌之萬世之下因是想見帝舜之德使人起敬起慕今  
聖德之大實同 天地甘露之瑞不減慶雲是宜有紀也臣  
愚不自揆輒形之聲詩以繼虞廷之歌垂之萬世使知  
聖德格天之盛巍然煥然如此臣等誠懼誠忤稽首拜手謹  
言 甘露昭

聖孝也

有瑞甘露其集灑灑被于長松孝陵之岡如珠之英如瓊之  
聚於繁其光承彼朝陽有瑞甘露其融湜湜亦被于樹 孝  
陵之側如肪斯白如玉斯潔其馨有烈敷暢旁達維彼露兮

天乳之滋維此受兮 上帝之貽 皇有大德神人具依集

此大瑞福祿攸宜 自土德之大實配于天永言孝思

太祖是憲懿彼舊章于嗣于宣夙夜敬恭穆穆乾乾維

太祖肇邦皇以廣之維 太祖受命皇以康之顯顯大猷萬

邦仰之巍巍成功無以尚之

上帝 太祖樂此德馨屢開厥祥甘露斯零甘露斯零維

帝命是膺維 太祖是承 皇祚以攸寧乃取乃獻

皇太子之恭乃賜乃頌以洽于臣工匪飴匪醕既其既融靈

液攸降物莫與同臣拜稽首

天子萬年以臨下民以對 上天維禎維祥繼繼綿綿

聖子神孫萬世之傳

之頌

禮部尚書毘陵胡公於廨署之南作小軒以爲思政之所  
凡公之佐

天子舉禮樂以施政教則必思其宜於此而後行之天下公  
忠信明達君子也其精神感而和氣應之蓋有不期然而  
然者宣德八年九月軒之中磬壁隱起發而視之有芝生  
焉其色純白如刻玉如截肪輪囷敷暢鮮潤華好公卿大  
夫來觀皆以爲瑞而贊詠之夫芝之瑞始於漢重於唐至  
宋而極盛蓋調和氣薰蒸之所成非人力能爲也然彼宮  
殿門廡之所產者國之瑞也生於士大夫家倚廬齋閣之  
中者家之瑞也今皆不然惟於公思政之所見之蓋公盡  
心於其職故天以是彰厥美則茲瑞爲公精誠之應無疑  
也然竊思之公之所任大矣其應亦有大者焉此特其兆

也禮曰樂者天地之和禮者天地之序又曰禮樂極乎天  
蟠乎地行乎陰陽通乎鬼神此豈細務哉今上有

聖明之君而下得公之賢以爲臣厚禮樂之本達禮樂之  
用極其至也天地安其位日月著其明四時寒暑順其序  
明而爲人幽而爲鬼神流而爲川峙而爲山精而爲百穀  
粗而爲草木鳥獸一皆遂其性無毫髮爽焉至和之氣充  
周于六合之間則甘露醴泉器車馬圖龜龍麟鳳諸福之  
物靡不畢至而國之大瑞備矣故曰此特其兆也有其兆  
而贊詠之思遠續其大者云爾烝民之詩尹吉甫送仲山  
甫也而序者以爲美宣王蓋能任賢使修其職宣王之美  
見矣今公之有此皆上委任之所致則諸公之贊詠雖  
以美公而亦以美朝廷也作芝頌

春官名卿禮樂宗茲誰任者昆陵公美哉新署鬱穹崇華軒  
結構居南東。聖明在上春遇隆懷清履直持敬恭孜孜夙  
夜亮天工施諸政教審厥衷精誠孚暢靡不通靈芝煌煌產  
其中至和網緼之所鍾殊姿密理鮮且重刻脂鏤玉紛瓊瓏  
叅成樊桃差可從瑤英紫脫徒瓦瓦嘉生本自造化功滋殖  
豈與凡卉同知公秉德久愈克輔羽翼  
帝道宣。皇風止追變夷躡高蹤體信達順更豐融四靈畢  
至百福隆君明臣良格吳穹頌歌繼作聲風颯颯多赫奕垂  
無窮

皇明文衡卷之二十一

皇明文衡卷之二十一

替

龍馬替

宋濂

西南夷自昔出良馬而產於羅鬼國者尤良或云羅鬼疑  
卽古之鬼方其地有養龍坑在兩山之中泓渟齋深開闔  
靈氣而蛟龍實藏其下當春日始和物情酣啗夷人立柳  
坑畔擇牝馬之貞者繫之已而雲霧晦冥咫尺不能辯色  
類有物蜿蜒上與馬接蓋龍云逮天色開霽視馬傍傍之  
沙有龍跡者則與龍遇謹其芻菽而節宣之暨產必獲龍  
駒焉粵若洪武四年六月壬寅夏國主明昇以全蜀降獻  
良馬凡十而其一色正白乃得之於坑者身長十有一尺  
首高九尺足之高比首而殺其二尺有肉隱起項下約厚

皇明文衡卷之二十一